

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: 05-19-753/24
Sarajevo, 22.10.2024. godine

BOSNA I HERCEGOVINA
FEDERACIJA BOSNE I HERCEGOVINE
Parlament Federacije BiH
Predstavnički dom
Hamdije Kreševljakovića 3
71 000 Sarajevo
Sekretar Ivan Miličević

Bosna i hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 27-11-2024			
Org. jed.	Broj	Priloga	Vrijednost
OS/1	-02-	5/6	(29)

BOSNA I HERCEGOVINA
FEDERACIJA BOSNE I HERCEGOVINE
Parlament Federacije BiH
Predstavnički dom
Hamdije Kreševljakovića 3
71 000 Sarajevo
Zastupnik Damir Nikšić

Predmet: Odgovor na poslaničku inicijativu, dostavlja se.-
Veza: Vaš akt, broj: 03-04-374-4/24 od 08.10.2024. godine

Poštovana,

Vašim aktom, veza broj: 03-04-374-4/24 od 08.10.2024. godine, u kojem tražite da postupimo u skladu sa nadležnostima i dostavljenoj inicijativi u kojoj se traži revizija okolinskih dozvola za kamenolome u Federaciji Bosne i Hercegovine, koju je podnio Damir Nikšić, zastupnik u Zastupničkom domu Parlamenta Federacije BiH, dostavljamo slijedeći odgovor:

Postojeći kamenolomi koji su okolišnu dozvolu dobili po starom Zakonu o zaštiti okoliša („Službene novine Federacije BiH“ broj: 33/03, 38/09), dakle, prije 2021. godine nemaju po novom Zakonu („Službene novine Federacije BiH“ broj: 15/21) obavezu pribavljanja okolišne dozvole kod ovog Ministarstva.

Do 2021. godine primjenom starog Zakona o zaštiti okoliša izdavala su se Rješenja o okolišnoj dozvoli za kamenolome površine iznad 2,5 ha na rok od 5 godina, te je do danas najveći broj Rješenja prestao da važi. Za površinsku eksploataciju mineralnih sirovina, površine manje od 2,5 ha okolišnu dozvolu izdavala su nadležna kantonalna ministarstva.

Od ukupnog broja ranije izdatih okolišnih dozvola (po starom Zakonu) za njih 10 Rješenje o okolišnoj dozvoli od ovog ministarstva je još važeće. Ovo naravno nije ukupan broj niti legalnih niti aktivnih kamenoloma, budući da, kako je to prethodno obrazloženo više nisu u obavezi pribavljati - obnavljati okolišnu dozvolu kod ovog Ministarstva, te da je veći dio njih u nadležnosti kantona.

Po novom Zakonu i Uredbi o projektima za koje je obavezna procjena uticaja na okoliš i projektima za koje se odlučuje o potrebi procjene uticaja na okoliš ("Službene novine Federacije BiH", broj: 51/21, 33/22 i 104/22) za otvaranje novih kamenoloma Federalno ministarstvo okoliša i turizma provodi postupak prethodne procjene uticaja na okoliš za kamenolome do 25 ha, a za kamenolome iznad 25 ha površine obavezno se provodi procjena utjecaja na okoliš (Studija o uticaju na okoliš) i nakon ovoga se izdaje Rješenje o odobrenju ili odbacivanju Studije. Okolišnu dozvolu po novom Zakonu za rad kamenoloma ovo Ministarstvo ne izdaje.

Radi boljeg razumijevanja, da bi jedan kamenolom u konačnici dobio gore pomenuto Rješenje po novom Zakonu kao i svi drugi operateri obuhvaćeni navedenom Uredbom mora prethodno proći procjenu uticaja na okoliš a član 69. stav 2. ovog zakona definiše da je podnosilac zahtjeva za ovaj postupak u obavezi da Federalnom ministarstvu okoliša i turizma dostavi:

a) opis projekta, uključujući podatke o njegovoj namjeni i veličini, b) izvod iz prostorno-planskog akta; c) podaci o vrsti i količini materijala koji će biti korišteni, te vrsti i količini emisija, d) opis mogućih uticaja projekta na okoliš u toku njegove izgradnje, u toku njegovog rada ili eksploatacije i u fazi prestanka rada, e) opis osnovnih i pomoćnih sirovina i ostalih izvora energije, f) opis okoliša na području pod uticajem projekta, g) kratak pregled alternativnih rješenja sa obzirom na uticaje na okoliš, h) informacije o mogućim teškoćama na koje je naišao podnosioc zahtjeva pri prikupljanju podataka, i) netehnički rezime informacija iz stava (2) ovog člana.

Nakon što je dostavljeno navedeno FMOIT odlučuje rješenjem kojim se može utvrditi a) da nije potrebno dalje provođenje procjene uticaja na okoliš ili b) utvrđuje se da je potrebno dalje provođenje procjene uticaja na okoliš, te se određuje obaveza izrade Studije o procjeni uticaja na okoliš, njen obim i sadržaj.

Takođe, radi pojašnjenja, po starom Zakonu (Službene novine FBiH broj: 33/03 i 38/09) član 69. i čl. 18 Izmjene i dopune istog Zakona za pribavljanje okolišne dozvole za kamenolome veličine od 2,5 do 5ha investitori su bili u obavezi dostaviti Zahtjev za izdavanje okolišne dozvole a za površine iznad 5ha provodila se Procjena uticaja na okoliš, dostavljanjem Studije i nakon ocjene Studije izdavala se okolišna dozvola. Sadržaj Zahtjeva je definisan prethodno navedenim članom 69., a između ostalog morao je sadržavati izvod iz prostorno-planskog dokumenta kojim se utvrdila namjena prostora, plan upravljanja otpadom i sve izvore emisija i mjere za sprečavanje produkcije emisija.

Takođe, radi pojašnjenja, okolišna dozvola nije dozvola za rad ili eksploataciju. Pitanje eksploatacije određuje se dozvolom za eksploataciju koju izdaje Federalno ministarstvo energetike, rudarstva i industrije ili drugo nadležno ministarstvo na nivou kantona. Lokacije eksploatacijskih polja određuju se prostorno-planskom dokumentacijom za čiju su pripremu zadužene lokalne, kantonalne ili entitetske vlasti, putem službi ili ministarstava u čijoj je nadležnosti prostorno planiranje.

U smislu revizije okolinskih dozvola koje je izdalo ovo Ministarstvo, Zakon o zaštiti okoliša („Službene novine FBiH“, broj: 15/21) u članu 94. stav (2) predviđa mogućnost da *nadležno ministarstvo ponovno razmatra, revidira uslove definisane u okolinskoj dozvoli i vrši izmjenu okolinske dozvole:*

a) ako zagađenje koje stvara pogon i postrojenje prelazi granične vrijednosti utvrđene u okolinskoj dozvoli;

b) ako je došlo do znatnih promjena u najboljim raspoloživim tehnikama koje omogućavaju znatno smanjenje emisija; ili

c) ako sigurnost odvijanja rada i djelatnosti zahtijeva upotrebu drugih tehnologija.

Dok se u stavu (2) istog člana navodi da nadležno ministarstvo može na zahtjev nadležne inspekcije za okoliš i zainteresovanih strana koji žive na području rada pogona i postrojenja koje može imati negativan uticaj i ugrožavati ili predstavljati opasnost po okoliš i zdravlje, ponovo razmatrati okolinsku dozvolu.

Međutim, svjesni neadekvatne baze podataka i uticaja koje eksploatacija svih prirodnih resursa ima na prirodu, okoliš i ljude, njihovo zdravlje i imovinu, Federalno ministarstvo okoliša FBiH u saradnji sa federalnim ministarstvima energetike, rudarstva i industrije, poljoprivrede, vodoprivrede i šumarstva, te prostornog uređenja već je pokrenulo aktivnosti koje bi trebale rezultirati svojevrsnim registrom eksploatacije resursa i potencijalnih rizika koje sa sobom nose.

S poštovanjem,

Dostavljeno:

- Naslovu
- Arhivi



Pripremila: Ermina Karjašević, stručni savjetnik za upravno-pravno rješavanje
Kontrolisao: Stjepan Matić, pomoćnik ministrice